



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawanna Thar Vol - 32/102

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Saidan tlang lungpui le a sevel an hang inthiefai



CCPUR: Hmar Youth Association (HYA), Rengkai Branch Art & Culture hmalaknain January 20, 2017 (Zirtawpni) khan Rengkai HYA chun Saidan tlang (Kross phunna tlang) le Indopui pahina huna Japan hai inkulna lungpui (Japan) lungpui hai a hmuna an hang enfel a. Lungpui umna le Kross tlang hi nasa takin a lo tawp in an hnaw lein an hung inthiefai nghan niin Tv. Immanuel Lalmeisang, Secretary, Art & Culture, HYA Rengkai Branch chun a hril.

Lungpui umna bul le Kross phunna tlang bul vela hin fakthei kawr le hmunnawak a lo tam hle a, hieng hmunnawak le fakthei kawr thang nengnung hai chu hi hmun lo kan ve Saidan AG naupang pawl hai leh thanguolin thei ang angin an inthiefai.

Hi lai hmun hi ei rama thil hlu, hun la hung um pei dinga kholzinmi hai hiptu tak ni thei ding (tourist attraction) hmun pawimaw tak a ni lein hi lai tlang kai hai chun tukhawma suktawp loa enkawl dingin HYA



Rengkai Branch Art & Culture chun ngenna a siem. Ram le hnam changkang le hnam var taphawtin thil hlui (historical/monuments/sites) le hmun pawimaw hai hi an vawng-himin an enkawl tha a, an humhal tlat hlak a nih. HYA Rengkai Branch Art & Culture chun ei hnam culture tiengpang sukhmasawn le vawng-himna tieng nasa takin hna a lak zing a, tukhawm hin kawl le sie that dingin Traditional photo shooting an nei mek baw a nih.

45th Manipur Statehood Day ursun taka hmang a nih

IMPHAL: Zanikhan state sawrkar huoihawtnain Manipur Old Secretariat Conference Hall, Imphal-ah State Level in 45th Manipur Statehood Day ursun taka hmang a nih. Hi huna hin CM O.Ibobi Singh, Dy. CM Gaikhangam, Ministers, MLAs, Chief Secretary, Director General of Police le sawrkar officer lienhai an thang tawl. January 21, 1972 a kha Manipur chu State puitlinga hlankai a nih. Meghalaya le Tripura hai khawmin statehood Day hi an hmang ve. PM Narendra Modi chun Manipur, Meghalaya le Tripura han State puitling an hmu a kum 45 tlingna an hmang thei ta chu a lawmpui thu a hung thawn tawl a, hmasawn pei dingin ditsakna a hung inhlantawl. Hi huna CM O.Ibobi



Singh in thu a hrlinaa chun, India ram khuo le tui ei ni hi lawm a um. Ei state in thawsuok nei tlawmin sum le paiah harsatna tuok inlakhawm kawng thenkhat chun hmasawnna tiengah

hmathuoi tu ei nih. Health le Power Sector haiah chun a lukhaitu hai lai ei thang a, Infant Mortality Rate (IMR) a lem chu a lukhaitu tak ei ni phak a, Power Sector a khawm ei rama enkhi (role model)

ei nih. Hmantieng peiah khawm hmasawnna ding tam tak ei la nei. State sawrkar chun sin siem le pek hi a ngaipawimawhai laia thang a ni lein thalai lekhatieng sin nei lo hai sin a pek a nih. Harsatna

um hai hi inbiaknaa ching-fel thei a nih tiin helpawl-hai chu inbiak dinga hung suok dingin a fiel. An thil ngen pek thei a um chun pek ning an ta, pek thei lo chi hai ruok chu pek thei ninaw nihai tiin a hril baw.

Deputy Chief Minister le Home Minister Gaikhangam in thu a hrlinaa chun, ei PM hlui Indira Gandhi in Manipur state puitlinga a mi hlankai kha lawm a um a, theinghil chi a ni nawh. Kum 45 liemta sung khang kawng hran hranah hma ei sawn a. Kum 2020 chenah state hmasawn ei ni theina dingin thanguol ei tiu tiin ngenna a siem. Hmasawnna sin thawnaah helpawlhai chetnain harsatna tam tak an tlu a, hi harsatna hi a hugn re theina dingin helpawlhai chun hung suok a, sawrkar leh inbiakna nei dingin a fiel.

CHANCHIN LAKTAWI

DC, CCPur Khuollien a ni ding

CCPUR: January 26, 2017 khin district level in Peace Ground, Tuibuong, CCPur-ah 68th Republic Day hmang ning a ta, hi huna hin Shri. Lumminthang Hakop, IAS, DC, Churachandpur khuollien in thang a ta, India hnam puonzar keipharna le parade hai chibai bukna nei a ti. Programme chu zingkar 9:30 AM a tan ning a ta, cultural items, Awards le lawman semna hai um a ti.

Winter Carnival

CCPUR: Children's Home: Saikawt Kristien Thalai Pawl, RPCNEI chun Thalai Project Fund a dinga January 19, 2017, 6:00PM a inthawk-a Children's Home, Saikawt hmuna Winter Carnival an tan chu January 22, 2017 zan chen hin hawng la ning a ti. Hi Winter Carnival neinaa hin Stalls dang dang le inkhelna chi hran hran le insukhlamma ding hai sie a ni a. Zan huna chau hawng a ni lein boruok a dei lein Carnival simthuai awi dingin a hmuna meipui sem a ni baw.

Joint meeting an nei

CCPUR: Zani zantieng khan Joint Action Committee Against Anti-Tribal Bills (JACAATB) chun joint meeting an buotsai a, hi huna hin Mizo, Paite, Simte, Tedim Chin le Zo hnam sunga pawl tum tuma thuoitu hai an thang a, YPA GHQ in a lo rel ta anga Jan. 26, 2017 nia Tribal martyrs hai inzana le sunna hun hmang dingin an rel.

GAS NEWS

Agency : KIM JOE Booking : 11th, Oct. 2016 to 11th, Nov., 2016 Delivery : 23-01-2017 (MON) Time : 8:00AM - till stock STOCK : 306 Rate: Rs. 737/- bring exact change

HT weekly-100n

Pa- Bawihai, hieng hin thawng ei tiu aw; in changkima Smartphone man ding MLA in Candidate tum hai popo kuomah sum la vawng ei ta... amiruokchu, hi ei laibung-pa hi ei vote ei pek seng ding a ni aw... mi vote inruk pek thei lem chun in motor man ding khawm hlai thei baw in tih...

Nauhai- Anleh, Pa; Vote chungchanga ringum nawna hi suol a ninaw a ni?!... mi vote inruk pek dam hi rukru danghai leh an ang naw maw???



eVIN Official pahni in DIO an hung sir



CCPUR: January 21, 2017, khan Electronic Vaccine Intelligence Network (eVIN) Team, Manipur a inthawk official pahni- Sharad Yadav, Senior Project Officer, UNDP, eVIN Team, Manipur le Hari Krishna, Project Officer-Information Technology, UNDP, eVIN Team, Manipur hai chu Churachandpur-a hungin District Immunization Office (DIO), IB TRoad,

Cold Chain Management hi United Nations Development Program (UNDP) hnuoia damdawi chi tum tum kap ding hung hai a siet nawna dinga damdawi hmanga temperature control-na hnuoia siet hatna a ni a, PHC le CHC dang dang haia ding chu hi Cold Chain point a inthawk lakdawk ning a ta, damdawi hmang zat le mi kap zat hai mobile phone hmanga report pek pei ding, damdawi indai nawna hmun a um chun UNDP Head Office inhrietir nghan a, a tul le pawimaw anga damdawi pek balsa pei a ni theina dinga thaw a nih. Hi thil hi Manipur a chun Sept., 2016 a inthawk khan hmang tan a ni a, CCPur a chun Oct. 2016 a inthawk khan hmang tan a nih.

HKI in khawtin an sirkual

CCPUR: Hmarbiel Kohran Inzawmkhawm (HKI) chun January 21, 2017 a inthawk khan Hmarbiel khawtin sira Pathien thil hrlina le HKI thiltum mipui hai hrlihrietna sin an thaw tan. HKI hin zani zan khan Taithu hmuna rawngbawl-

Sectoral meeting an nei

CCPUR: Zani 11:00AM kha Synod Hall, IB Road, CCPur-ah Integrated Child Development Services (ICDS) Thanlon project hnuoia Anganwadi workers le Helpers han Sectoral Monthly meeting an nei a, hi huna hin Thanlon ICDS project hnuoia Beneficiary hai Banks Account le Aadhar Card number siemtuok dan ding le Bank Account le Aadhar number lakkhawm dan ding bakah Register Book enkawl dan ding hai Ms Tampha Devi,

PTC Court in thubuo 9 an sukfel

CCPUR: Paite Tribe Council (PTC) GHQ hnuoia PTC Court chun kum 2014-2016 sung kha thubuo tum tum lut 13 hai laia thubuo 9 an relfel a, inneina lekha pakhat le int hena lekha pakhat an pek-dawk.

PTC Court a chun hi hun sung hin Nupa kar thubuo case 10, Ram thubuo 2 le insukhmingsietna thubuo pakhat rel fel dinga pekhat a ni a, hi laia thubuo pakhat chu lak a ninaw a, pakhat chu thuneitu insanglem rel dinga pek-dawk a ni a, la relfel lo 2 an nei.

SVEEP le inzawmin Drawing Competition



IMPHAL: Chief Electoral Officer, Manipur huoihawtnain zanikhan Kangsang, Khuman Lampak Sports Complex-ah Systematic Voter's Education and Electoral Participation (SVEEP) Campaign Drawing Competition, 2017 nei a ni a, top ten District level winners hai hi competition-hin an thang. Hi Competition thupui chu "Every Vote Counts" ti a nih. Hi taka pakhatna le pahina hai chu Delhi-a Republic Day lawmaah tir ning an ta, seng po po CEO, Manipur in tum a ti. Top ten winner-hai chu Imphal-a National Voter's Day hmangna huna lawman pek ning an tih.

Truck 350 Imphal an hung tung

IMPHAL: Zani zingkar inhma taka Jiribam a inthawka Imphal pana hung Truck 350 hai chu zani zan khan Imphal an hung tung. Truck hung tung hai lai in Petrol phur 3, Diesel phur 12, LPG phur 4 le Bufai phur 81 an

UNLF Sergeant Major man

IMPHAL: Zani hmasa 3:30PM vel khan Imphal Wst District Police han UNLF Sergeant Major Thiyam Nungshithoi Meitei @ Lokhon @ Buno @ Saphaba (34) s/o Thiyam of Iroisemba Mang Hiden Mayai Leikai chu Keishampat Keisam Leikai-ah an man. Kum 2002 in KYKL a zawm a, kum 2005 in



midang 7 hai leh M-16 le AK Rifles 4 leh UNLF an hman nawk niin Police chun an hril.

Bufai le thautui chungchang ennawna nei



NEW DELHI: Zanikhan Union Home Minister Rajnath Singh inrawina in New Delhi-ah Inter-Ministerial meeting nei a nih. Meeting a chun Union Petroleum Minister Dharmendra Pradhan le Union Home Secretary Rajiv Mehreshi hai khawm an thang a, Manipur a bufai le

thautui ngirhmun ennawna le iengtinam mipui mamaw zat sekkhaw thei ning a ta ti thu hai an hril tlang. Thautui, bufai le nitin mamaw thil chitum tum hai vang zie le black a man tam taka zawra a um leia mipui harsatna an ngaimaw hle thu an hril baw.

Donald Trump-in US President Sin a thaw tan

WASHINGTON: US President Donald John Trump chun wawisun a sin hmasatak tanin Obamacare (Health Insurance) sukbona dinga executive order chu a signed a. A order hi agencies tamtak chu Obamacare hnuoia an policy hai sukboia America economy phurrik suzkangkhai dinga hrlina a nih. Policy thar mi po ta dinga "insurance policy" siem a tum a nih. A thaw hmasatak pakhat nawk chu a Cabinet ding list Senate ah thawn a nih a, Defence Secretary dinga General retired James Mattis confirmed-na a signed nghan baw.



Team hai chun White House website siemthain Climate Change thua a hmalak dan dinghai le thil dang dang Obama strategy thakthleng-na ding strategy hai thun lut nghan a nih.

"America First" thupia hmang a tum a nih. A hril dan chun a term sungin sin thar million 25 siem a tum a nih. America mihai ruoi a, sumdawngna po po America sungah chauh thaw ding, America themna le hman-groo hmang uor ding tihai policy a nih.

A policy ah hin Lesbian, Gay, Bisexual le Transgender (Mawngkuohur) hai rights, health care le climate changes thu a thang nawh tiin tamtakin an sawisel a. LGBT hai dikna le chanvo pek tlakah a ruot naw lein policy ah khawm an t hangtir nuom naw a nih.

Laklut a nia a thurhilnaa chun, "Bible chun a mi hril a, mi hai inrem taka an um khawm pha chu an hawih a nih" tiin. Chuong ang taka America mipuihai lung-gril hmunkhat puta ei um khawma hmasawnna ding le Pathien ropuina dinga sin ei thaw tlang chun America ei sukropui nawk ding a

nih" tiin a hril. "Theinghila um tahai khawm hriet fuk nawk ning in ta, in chanvo indiktak insukhmanghai hmukir nawk in tih. Ei rengin thaw tleng ei ta, America ei sukropui nawk ding a nih. Muslim helpawl hung hrat peihai do tlang ei ta, tukhawmin mi hne thei naw ni hai, ei thanguol tlat chun. Nu nau rethei le rimsihai khawm hriet fuk nawkin in hung in-tungding nawk ding a nih" tiin a hril baw.

"Wawisun hin nangni mipuihai sin thaw dinga hi laia um ka nih. Thuneitu chu White House ah mi tlawmte ni lovin wawisuna hung mipuihai in nih. America in ta a nih. America sukhausa nawk ei ta. America sukropui nawk ei ta. America himin siem nawk ei ta. Ei rengin America ei sukropui nawk ding a nih. Thank you, God Bless you! God Bless America!" tiin a hril.

VAWISUN THUPUI

Nangnin in mi thlang naw a, keiin ka thlang lem cheuva, va ra ding le in ra um zing dingin ka ruot bawb cheu a nih; ka hminga Pa kuoma in hni taphawt a pekna ding cheuvin.

- Johan 15:16

Editorial

Tu ham BJP le Congress party ticket chang ding?

Tulaia khawtin le veng tina thingpui Hotel haia titina thupui tak chu tu tu haiin am BJP ticket chang an ta, ti le tu tu hai in am Congress ticket chang an ta tihai hi a ni deu tak awm ei. Manipur a ding chun Political party dang hai chun ngaiven le uksak an hlaw rak naw nin an lang. Tuchena an lang dan chun Manipur Assembly election hung um ding a beitu le an khing ding tak chu BJP le Congress party hai an nih. Ring dan le beisei dan chun sawrkar thar hung siem thei ding hai chu BJP or Congress an ni el naw ding am a nih ti hi a nih. Thu chieng tak ruok chu election zo March 11, 2017 a vote tiem zo hnungah a hung inlang thei ding chau a nih. Ring dan chun sawrkar thar siemna dinga hin NPF in pawimawna an nei phak ring a um.

BJP, Congress le NPF han an party candidate dinghai hming an puonglang zo hnungah Political party danghai chun ngaiven an hung hlaw ding chau a nih. BJP le Congress party ticket beisei hi mi an tam a, ticket chang naw pawl chun hieng party pahnihai hi suksanin party dang an bel tawl ding a nih. Hi thil hi thil thar a ninaw a, India ram chau ni lovin khawvel pumputia thil fe dan pangngai a nih. Ticket sem le pek thu hin umzie inthuk tak a nei a, hi lei hin Political party lien hai harsatna lien tak a ni rawp hlak. Thaw-fuknaw chun siem pha theina a nih.

Manipur a ngei khawm BJP le Congress party hai chu mihai hlutsak le dit an ni a. Election neina ding ni 38 chau bak ta sienkhawm official in an party candidate list an la puonglang thei naw a, ticket nih hai le mipui chun hriet kar nghakhlain an thlir thup el a nih. Tuta inthawka hun sawnawte hnungah an party candidate list an hung puonglang thei beisei a um. Party candidate ding thlangfuk hi a pawimaw hle a, hieng party lien pahnihai hi an fimkhr hle leia an candidate list an la puonglang el naw a nih. Party ticket-ent buoiptu, state le Central-a mihai chu candidate thlang thua hin an lu an hai cham cham hle ring a um. Manipur a chun party candidate list puonglang thei la umsun chu Irom Chanu Sharmila party, Peoples resurgence and Justice Alliance (PRJA) an nih. Tuchehin chun candidates 5 an nei ding thu an ponglang ta a, hienghai laia 4 chu phairam biela mi le pakhat chu tlangram biela ding a nih.

Central-ah BJP an tal lai a ni leiin Manipur a khawm BJP ticket chu a dit le an chu an tam hle. Hi thil hin Manipur a chun BJP ticket a hlu tak a nih ti inla ei hril suol taluo ring a um nawh. Manipur thangsain NE biel chu Central khong ben dan dana lam hlak ei ni leiin mi tam lem lungril le mit BJP-ah hin a fu a, Assembly Election hung um dingah hin BJP chu a hrat tak ding anga ngaina a lien hle niin anlang. BJP khawma hi thil hi hriehin candidate dinghai thlangna ding thuah hin thaw suol pal inlalin an fimkhr a. Amiruokchu, ticket hni hai po po pek vavng thei a ninaw leiin BJP a inthawka lungawi lo le a nuor pawl chu an hung um tho tho ding a nih. BJP chau ni lovin Congress party a khawm hi thil hi a hungtlung ding a nih.

Tuta tuma Assembly election ding hi nghakhla le phur a umna san iemanizat a um. Chu hai lai chun sawrkar thlungpui Demonetisation policy, District thar 7 siemna le Modi Wave han iengangin an ngahawng a nei tihai hi an nih. Nghawng iemani tak chu a hung nei ngei ring a um a. Hi lei hin election result hi hriet chak a sukum zuol a nih.

Democracy ramah chun mipuiin an thlangting party han sawrkar an siem hlak. Sawrkama siemtu chu ieng party khawm hung ni raw seh, a pawimaw tak chu ram le hnam hmangainga lungril put a, thlir bik nei lova mipui rawngbawltu ding hi a nih. Chun, tu party khawm sawrkar sienla, an ngaipawimaw ding tak chu Manipur hi a ni ding a nih. Sawrkar thar a hung pieng chun thil iemani bekah hmasawna thar, ram le hnam ta dinga thiltha le ropui, sawrkar hmasa hai la thaw ngai der lo an hung thaw hi mipui han an beisei a nih.

ALL INDIA RADIO: CHURACHANDPUR PROGRAMME

Date: January 22, 2017 (Sunday)

TRANSMISSION- FM-101.4 Megahertz

Hours	Studio/	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement Mangal Dhvani	
5.30pm	P	PAITE Prog, Sig. Tune & Announcement Announcer: Vangthansang	CD-1717 CD-1280
		1) Manthiansiam & party (dev)	
		2) Gospel Echo	
6.00pm	P	HMAR Prog., sig. Tune & Announcement Announcer: Malsawmkim	CD-336
		1) Evan John & party (dev)	
6.30pm	P	THADOU Prog., sig. Tune & Announcement Announcer: Nengneilam	CD-1686
		1) Esther Sithou (dev)	
7.00pm	P	FARM & HOME: 1) Paitte: Chingngaihlian (dev) 2) Hmar: Semika band (dev) 3) Thadou: Vahjiang & party	CD-1493 CD-1670 CD-1103

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte & Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

INHME NAWH!-Part-I DAVID IN SAUL'S ARMOUR! (DAVID LE SAULA RALTHUOM)

Rev. Mansang Songate

"...Saula chun David chu ama thuomin an thuum a... David chun, 'ka fepui thei der awm nawh a ta, ...an hlip tah a' " I Sam 17:38-39

David tleirawl te chauin Saula, palien le dung insang, hmelfha bawb ralthuoma a hang inthuum kha en nuom umin nuizat a um hle ka ring! *Thil inhme naw pawl tak ani ka ring!* Chuong ang bawkin Israel hai khawmin Pathien *hnam thlang an nina le inhmeo ding thil an thaw rawp hlak a, eini rawi khawmin nitin deuthawin ringtu ei nina le inhmeo ding le ei inawmpuilo ding thil ei thaw hlak.* Pathien hnam thlang hrat em em el, hnam dang popo in an ti sim el hai khan milien naran Goliath an ti leia an intawm el kha Pathien hnam thlanghai thawding chun a *awm nawh a, an hme hlawl nawh!* Eini rawi khawm inti ringtu naran ni nuomlo, mi neka inti piengthar, inti gospel emem khawm ei nitin nundan le ei thil chinghai hi ei hang en veng veng chun *ei inhme naw tawp!* Ieng tinam suola inthuum pumin ral do thei ei ti leh? Suol ei palzam dan le ei ngainep dan hai, inruk le tuolthat chenin ei ngainep emem el hi ei inti thlarau mi nina le *tha ei intina nun leh an hme naw tawp.* Suol hi ei hne taluo leia ei ngainep nisien chu thil lawmum tak ni ding ana, ei hne naw taluo leia ei pawmzam el hi chu David in Saul a ralthuum an hme naw nek khan an *hme naw lem!* Saula inlal hun laia Goliath leia mipui thlabar dan le a ram pheka an buoina kha a beidawng um thlak heng a tih. An laltak a' nthalawkin, sipai popo ti dawr dawr in an um a, nuhmei naupang an thlabar bawb a. Goliath hming an samri pal chun a ram phek khan an buoi el ni awm a nih. Khang khawpa mipui chiai lai khan a tuhai umin huot inam Goliath lienzie, insang zie, hrat zie, a ralthuumhai rik dan le sei dan chen kha an lo va inkhi hman ani ding chu! Hmelma hrat zie, ropui zie, ralthuum neit hat zie miin an inzawt zut zut chun an tlanisie naw khawma, an hne el ngai nawh. Ei nitin nuna setan in ami sawisakna hai le hne a ei umnahai ei inzawt rawp ding an nawh a, Pathienin a hne zo sa le ei hne ve ding thu hi huosen taka inzawt lem ding a nih. Goliath hin sung popo khan Israel haiin Pathien a hratie vawikhat khawm an hril nawh a, Pathien ko ding thu khawm an inzawt der naw kha thil *awmlo le inhmeo a nih.* An hmelma pa Goliath kha a hrat em lei le a lien em lei khan *'Pathien ropui le hrat, iengikna lo thuoi hlakto le veng hlakto kha an theinghil inruol thup el'* a hawi! Pathien en lova Goliath chau an en khan *'an hmelma pa, sertanlo kha a lien langsar hrat emem el'* a nih! Ei suolna le hratanawnahai *popo inthiemfawm chawpa ei hril nam vet el hi ei nina leh an hme nawh!* Ei harsatna le ei hmelma pa nekin Pathien hi a lien lem in a ropui lem a nih ti hi a hunlai tak chu hriet antak hrim a nih. Kei khawm kan insung bawrsawmna dam, harsatna chi hram hnan le hriet ngaiol thilthar in ami bawm pha chu- *'Pathien nekin hieng harsatna mi chimbuoiuhai hi ka en rawp hlak a, ka chau der hlak'*. Tiemtuuhai khawm in ni ve ka ring. Israelhai hi hang pawngpaw dem el thei chi khawm an ni nawh. An la hmu ngailo-mi lien emem, tukhawma an cho ngam lo an hei hmu khan inbikna ding an invai a. Santu an mamaw emem a nih. Amiruokchu, San thei tuding tieng nghatna chang an hriet der naw kha thilmak a nih. Eini rawi khawm ami san theitu Pathien umzing siin, ko el nachang ei hriet ngai nawh. Entirna dingin cancer a ei nat hunah damdawi In tha le doctor thiem an hril popo ei phak tawka mihai ei pan a, sum ei inseng da zo vavng hnungin, damsuok lo dinga hospital in ami tirsuok pha, pastor le upahai tawngtai dingin ei ko chau hlak! Pastor hai tading khawma cancer thil tawm tep ta dinga tawngtaia inko hi huphur um ve tak a nih! Nuhmei pasal ding in in zawnglai Pathien le Pathien mihai rawn lovin, ei tuolthu a buoi pha pastor hai ei rawn nawk hlak! Innei dinga inrawn loin inthe dingin Pathien mihai ei rawn nawk hlak vet hlak hi ringtu *nun leh an hme nawh.* Goliath hratie ringawt kha an buoiptu leiin an intawm zakel el a hawi. Pathien neinaw hnam ang elin hun iemani chen chu ti le thlaphangin an um

a nih. Eini khawm Israel hai chanchina inthawkin in chuk ding tamtak ei nei ka ring. Harsatna, natna, titna, pasietna le thildang dang tamtak ei tuok pha Pathien hnei el lova mani buoi buoiin ei inmai buoi rawp hlak hi *ei nina leh an hme nawh!* Chuleiin, tuor lo ding tamtak ei tuor pha hlak a nih. Khanglai hun takah khan Israel ram sungah David chau kha Pathien hming samna chang le ringna chang hrie an um nisien a hawi. Pathien hnam thlanghai nungchang dingin *an hme naw hle!* Khanglai hun taka tleirawlte chau David, ieng la hre mumal lo, Pathien ruok chu ring emem el, a hung suok deu that el kha mak tak chu a nih. Zo hnathlak lai hin David anga huosen taka chung Pathien ring ngam um inla ni ding maw! Khawvel suolna ramah hin mi thaw ang ang thaw hi thlaraua hratanawna ani a, mi thaw naw ang thaw hi Pathien hratanawna a nih. I nungchang le I thilthawhai hi *an hme chie am!*

David le Israel mipuihai inang nawna *'Chi khat'*, chu hi hi a nih; *David in Pathien tieng a en a, Israel mipui hai popo in Goliath tieng an en.* Pathien en chu beiseina, huoina, ringna, hratan le thil thawtheina a nih a. Chuchu a hmu ve nawhai tading chun invet thlak tak ani rawp hlak. Hmelma ei ngamlo ding ei en zing chun, titna, thlaphangna, lungngaina, nuorna, intum ding zawngna le ngaw ding zawngna dam amin tlun hlak. Thiltha hrim beisei ngam lovin tlan hmangna ding *'ei zawnga, ei thuomhnaw le ei In hai, ranruol dam, ram dam'* inhmang ei inlaw hlak leiin lungngai in ei um rawp hlak. Israelhai kha thi an inring bawb lein le mi suoka um an ti leiin thlaphang le lungril inrim emem in an um a nih. Titna kha Pathien hnam thlang Israel hai leh *an hme nawh!* Tulai chen hin chu *'dawizepna le ral fitna nun'* ah mi tamtak ei cheng zing hlak. Kei khawm ka cheng rawp hlak a, kan talsuok el thei nawh. Um laklaw chun inhawi ti awm fahranin an um char char el thei awm! Chu ram chie chu Israelhai khan an sir a nih. Chuleiin, ei Lalpa Isu'n, *"In lungril lungingzin raw raw se, ti khawm ti bawb naw ro"* alo ti kha. Khawvela hin titna le lungngaina in ei nun le hringna a faksiet nasa thei emem. Pathien ring zolo pawizie bible ah ei hmu rawpa, ei nuna khawm ei chheng rawp hlak. Israelhai chanchina inthawkin pakhat hang la suok ngaw vak inla. Canaan ram enthla dinga mi ringuma ngai thal mi 12 an tir a, a let nga a tamlem in do laklaw chi anni naw zie an inzawt a, pahnihai ruok chun va do a, va lak ngal dingin an inpei ve thung. Enthlatu sawmhai le anni thuril lo awi hai popo kha Pathien nekin an hmelmahai hratie kha an ring lem a nih. Kha kha Pathien tading chun thil ngaimaw umtak ani leiin a kawi hai popo le ama ringzo nawhai patling le nutling popo thlaler ah an thil vavng a ngak leiin kum 40 tawp an invai a nih. Lesion in chukding iemani zat um ngei a tih. Eini in ti ringtu emem le inti piengthar emem hai khawm in Pathien ei zuina ah hin ei ring zo taktak am aw? Eini le eini dam, mihrim dam, sum dam, thuoitu dam lo ring lem hi Pathien ngaia chu suol a na, thlaler ramah kum 40 invai theina a nih! Ni 20 (sawmhnai) lam chau kum 40 tawp hraw el chu a awmnav tawp! Hmasawn lovin, buoina tamtak tuok zingin, thaw ngai thaw char char le fak ngai fak char char a, umna ngaia ei um char char a, ei nun abuo zing pha chu *'Thaler ah kum 40'* invai dinga thang hmang ei ni ti a suk chieng. Chuong huna khawm Pathien ko lovin, a hmelma lientak *'milim ei bieksan zing hlak'* (*duamma chu milim bieksa a ni sia*) hi thil pawt tak ana, *ei nina le an hme nawh!* Ei nina le inhmeo ding lampui ei zawng a tha naw? David in sipaihai Lalpa a ring ang hin ring ve inla chu ei ta dingin AN HME TAK KA RING! Amen.



EMPLOYMENT NEWS

Union Public Service Commission (UPSC) chun Army, Navi le Air Force Wing a National Defence Academy (NDA) 139th batch le 101st Indian Naval Academy Course (INAC) January 2, 2018 a tan ding hai lakna dingin National Defence Academy and Naval Academy (NA) Examination (I) 2017 April 23, 2017 khin huoihawt a tum. Inhnika nei han February 2, 2017 chenin upsconline.nic.in ah Online application peklut thei ning a ta, thu chieng lem UPSC website:www.upsc.gov.in ah thu chieng lem hriet thei ni bawb a tih.

Post ruok dan: National Defence Academy a dingin 335 (Army-208, Navy-55 le Air Force-72); Naval Academy a dingin 55 a nih.

Educational Qualification:

(i) Army Wing NDA a dingin Class XII (10+2) le a tlukupi annawleh degree zo.

(ii) Air Force le Naval Wings NDA a dingin 10+2 (Class XII) with Physics and Mathematics.

Class XII Exam-a thang hai khawmin application pek thei a nih. Amiruokchu, hlawtingna an lo chang khawmin December, 2017 chenah Class XII le a tlukupi an passed ngei ti sukchiengna an peklut ngei ding a nih.

Fee: SC/ST candidates JCOs/NCOs/ORs nauhai ta dingin fee pek a tul nawh.

Exam Centres: Agartala, Ahmedabad, Aizawl, Allahabad, Bengaluru, Bareilly, Bhopal, Chandigarh, Chennai, Cuttack, Dehradun, Delhi, Dharwad, Dispur, Gangtok, Hyderabad, Imphal, Itanagar, Jaipur, Jammu, Jorhat, Kochi, Kohima, Kolkata, Lucknow, Madurai, Mumbai, Nagpur, Panaji (Goa), Patna, Port Blair, Raipur, Ranchi, Sambalpur, Shillong, Shimla, Srinagar, Thiruvananthapuram, Tirupati, Udaipur le Vishakhapatnam.

2. Indian Army hnuoiah Short Service Commission Officer (SSCO) 54 a ruok. Inhnika nei hai ta dingin February 15, 2017 chenin online hmangin application peklut thei ning a tih.

Thiema: Graduate/degree with (50% marks) ni a tul.

Hiaw: Rs. 15,600-39,100 per month.

Kum : 19-25 yrs

Thu chieng lem www.joinindianarmy.nic.in ah hmu thei le hi website fethleng hin Jan. 17, 2017 a inthawk Online Application peklut thei ning a tih.

3. Central Reserve Police Force (CRPF) hnuoiah Constables (Technical & Tradesman) Male/Female Post 2945 a ruok.

VACANCY DETAILS:

1. Bihar: 189 Posts	2. Chhatisgarh: 79 Posts
3. Jharkhand: 108 Posts	4. Madhya Pradesh: 121 Posts
5. Odisha: 73 Posts	6. Uttarakhnad: 22 Posts
7. Uttar Pradesh: 343 Posts	8. West Bengal: 213 Posts
9. Sikkim: 01 Post	10. Punjab: 99 Posts
11. Himachal P.: 14 Posts	12. Jammu Region (J&K): 42
13. Kashmir Valley (J&K): 71	14. Delhi: 48 Posts
15. Haryana: 39 Posts	16. Rajasthan: 125 Posts
17. Chandigarh (UT): 04	8. Assam: 140 Posts
19. Meghalaya: 50 Posts	20. Arunachal: 15 Posts
21. Tripura: 26 Posts	22. Mizoram: 07 Posts
23. Manipur: 37 Posts	24. Nagaland: 95 Posts
25. Telangana: 100 Posts	26. Andhra Pradesh: 137 Posts
27. Karnataka: 138 Posts	28. Kerala: 106 Posts
29. Tamilnadu: 200 Posts	30. Pondicherry (UT): 02 Posts
31. Goa: 03 Posts	32. Maharashtra: 183 Posts
33. Gujrat: 115 Posts	

Kum 21-27 inkar ni a tul a, minimum qualification Class X passed ni a tul.

Fee Rs. 100/- a ni a, SC, ST, Ex-Servicemen & Women candidates hai ta dingin fee pek a tul nawh.

Inhnika nei han January 31, 2017 a inthawk March 1, 2017 inkar sungin CRPF website:www.crfp.nic.in ah thu chieng lem hriet thei ning a tih.

Important Dates:

Starting Date for Online Application: 31-01-2017

Last Date for Online Application: 01-03-2017.

Last Date for Fee Payment through Challan: 20-02-2017. Date of Written Examination: 14-05-2017.

4. Directorate General, Assam Rifles, Shillong chun March 1, 2017 nia Assam Rifles hnuoiah post tum tum 614 lakna ding recruitment notice an suo a. Inhnika nei han prescribed Application format hmangin February 4, 2017 chenin application peklut thei ning a ta, ram kilkhawr a cheng hai ta dingin Feb. 20, 2017 chenin peklut thei ning a tih. SC/ST/Ez-SM le nuhmei candidate hai ta dingin fee pek a tul nawh. Thu chieng lem http://www.govtjob.guru/wp-content/uploads/2016/03/Assam-Rifles-Technician-Tradesman-Vacancies-Notification-2017-www.govtjob.guru_1.pdf ah hmu thei ning a tih.

Post lak ding hai chu a hnuoiah hai hi an nih:-

Hindi Translator Grade-II : 23 posts
Regional Teacher JCO : 05 posts
Bridge & Road JCO : 08 posts
Staff Nurse : 18 posts
Clerk : 100 posts
Personal Assistant : 24 posts
Electrical Fitter Signal : 09 posts
Lineman Field : 20 posts
Radio Mechanic : 21 posts
Armourer : 16 posts
Instrument : 02 posts
Electrician Motor Vehicle : 05 posts
Metalsmith : 07 posts
Upholster : 03 posts
Welder : 06 posts
Blacksmith : 02 posts
Engineer Artificer : 02 posts
Draftsman : 08 posts
Electrician : 07 posts
Plumber : 08 posts
OT Technician : 01 post
Physical Therapist : 01 post
Laboratory Assistant : 08 posts
Pharmacist : 32 posts
X-Ray Assistant : 43 posts
Veterinary Field Assistant : 03 posts
Female Attendant / Ayah : 10 posts
Female Safai : 11 posts
Cook : 100 posts
Male Safai : 28 posts
Washerman : 32 posts
Barber : 16 posts
Equipment & Boot Repair : 12 posts
Tailor : 19 posts
Carpenter : 04 posts

CORRIGENDUM

Manipur hi Indian Constitution Art. 371. C hnuoia um a nih a, district um tasa chu pakuo a nih.

- Lal Dena

Jan 23 pha JCC in mass public rally

DIMAPUR: Nagaland state a hnam hnan hnan Ao, Lotha, Sumi, Chakhro Angami le Chakhesang hai inzawm khawma siem Joint Co-ordination Committee (JCC) chun ULB election nei ding dodalna in mass public rally nei an tih. Mass rally chu chawhma dar 11:00 AM in State Stadium Dimapur a nei tan a tih. JCC chu Local bodies election le inzawma nuhmei reservation chunthu sawrkarin a sukdi-naw leia lungawilo niin, Urban Local Bodies (ULB) a candidate tam tak khawm nomination file thei lovin an siem pha a, February 1 a election nei ding khawm a hun sawn hla dingin an lo

ngan ta a nih. Lotha Hoho Ki Dimapur-a Zirtawpni a consultative meeting an nei huna rally chu nei dinga an rel niin, meeting a chun JCC a pawl tum hai an thang kim hle. JCC hnuoia pawl hnan hnan hai chu Eastern Nagaland Peoples' Organisation (ENPO), Angami Public Organisation (APO), Central Naga Tribes Council (CNTC), Naga Council Dimapur (NCD), GBs Union, Dimapur Urban Council Chairman Federation (DUCCF) hai an ni a, anni hai baka hin Church leaders le candidate nomination hnuokkii hai khawm meeting a chun an thang ve.

Naga Helpaw hai sum hmuna Govt. Departments: NIA

NEW DELHI: National Investigation (NIA) in Nagaland-a Naga helpaw group dang dang han sum an hmu dan an suizui naah, NSCN(K), NSCN(IM) le Naga National Council (NNC) sum hmuna/dawngna hnar tak chu a state sunga government departments 14 haia inthawk a nih ti an suidaw.

NIA chun January 18 khan government department tum tum an dapnaah naga helpaw group dang dang hai kuoma pawisa pekna documents tam tak an dapdaw a, hieng haia inthawk hin NSCN(IM) thangin Naga helpaw dang dang han government departments 14 haia inthawk regular takin pawisa an dawng ti an hmuokkii niin NIA officer chun a hril a, Rs. 2 crore ding zet Naga

helpaw hai kuoma pawisa an pekna receipt an dapdaw niin a hril.

Departments sum an dawngna hai lai hin Directorate of Information Technology, Directorate of Soil and Water Conservation, Directorate of Irrigation, Directorate of Rural Development, Directorate of Urban Development, PWD, Roads and Buildings le Directorate of Information and Public Relations hai a thangsa.

July 31, 2016 nia NSCN(K) senior cadre mana um S. Khetoshe Sumi inpuong danin Kohima le Dimapur regions-a finance in-charge a ni thu a hril a, NSCN(K) chun department hnan hnan haia pawisa an demand hlak thu a hril tiin NIA official thusuok chun a hril.

CHANCHIN
LAKTAWI

IINS Vikramaditya-ah ATM
NEW DELHI: A vavikhatna dingin Aircraft phurto lawngpui IINS Vikramaditya-ah a sunga thawtku hai hmang dingin ATM booth sie ning a tih. IINS Vikramaditya a chun sinthawtu mi 2,000 neka tam an um a nih.

ATM booth chu State Bank of India (SBI) in inthut a ta, satellite link hmanga ATM chu enkawling a tih. ATM chu thuong taka a fezawm peina dingin currency chest hmang ning a ta, thawtku haiin pawisa indai naw leia hasratna hun sawt taka inthawka an lo tuok chu a sukbo ta ding a nih.

Ranikhet Express Rel chesuol

JAIPUR: Zani zingkar inhmatak khan Rajasthan Jaisalmer lai Ranikhet Express Rel a chesuol a, vangnei thlak takin thi le hliem an um nawh. Rel coach 10 hai chu an zawmna a bawng a, lampui a hrawa suol leia tuoksiet tuok a nih.

Passenger hai chu special train hmanga in tiantir ngahai, senior railway officials haiin Rel chesuolna sen hriet tumin investigation an thaw mek a, lampui that naw leia tuoksiet tuok ni dinga ring a nih.

Mallya Karnataka Court hmaa inlang dinga ko

BENGALURU: Bangalore High Court chun suktawpa lo um tah Kingfisher Airlines neitu Vijay Mallya chu January 27, 2017 nia High Court hmaa inlang dingin an hriettir. Mr Vijay Mallya hi Bank hran hran haia loans crores tel a lak hai thung lova a um leia case siengkhum, tuta London hmuna inbihmang mek a nih.

Pakistan-in India sipai inhlan sawng

NEW DELHI: Zanikhan Pakistan sawrkarin India thuneituhai kuomah India sipai a hrentang chu inhlan sawngna a nei. Sipai inhлана um chu Rashtriya Rifles a mi Chandu Chavan niin, zani chawhnung tiengkhan Wagah Border ah Pakistan sawrkar in India thuneituhai kuomah an hlan a nih.

Chavan chu nikum September thla a ramri a kan leia man niin, Indian Army han Line of Control (LoC)-ah surgical strike an nei zo char darkar khat sunga mantang a nih. Army le civilian khawm thuneitu phalna boa ramri kan chu dan phal lo ani a, dan bawsietu man an ni chun, a kalhmang zuia inhlan sawng hlak a nih. Chavan chu Mendhar distict, Jammu and Kashmir a posting mek a nih.

TUOLSUNG
Indane Safety clinic & campaign



CCPUR: M/s Bungmual Indane Gramin Vitrak chun Jan. 21, 2017, 11:30AM khan an office-ah Indane Safety Clinic le Energy Conservation campaign neiin customer hai lai Lucky draw an buotsai.

Hi huna hin proprietor Mangboi chun LPG hmang dan, tit umna le fimkhur a tul dan hai a hril , Consumer popo huomin lucky draw an buotsai bawk. Lucky draw huna hin T.K. Khuai chun pakhatna lain Surya Gas Stove pak a ni a, pahniina Chingmuankim kuomah Hose Pipe le pathumna Vungdeihching kuomah Gas Lighter pek a nih. Chun, hi Safety Clinic a registration thaw hmasa customer 100 hai komah Gas um hun huna bawng tul lova Gas refill theina ding Token pek an ni bawk.

NLYC Sports Meet

CCPUR: New Lamka Youth Club (NLYC) chun zani 1:00PM khan PT Sports Complex, New Lamka hmuna NLYC Meet 2017 closing le final inkhelna hun an hmang a, khuolliein Khumi Tonsing a thang. Final-ah Vanglai Sporting Allies (VASA), Vengnuam le FC Zion-A an inkhel a. VASA chun 3-1 in an hne a, lawmmanin Trophy+Rs. 10000, runners up team FC Zion-A in Trophy le Rs. 7,000 an dawng.

USPA in hrattak nina an chang

IMPHAL: Zanikhan Manipal Kangejibung, Imphal-ah 2nd Manipur Statehood Day Women's Polo Tournament final chu USPA (USA) le Hunlingham PA (UIC) han an khel a. USPA in hrattak nina an chang a, lawmman in trophy, mementos le sumfai Rs. 25,000 an dawng. Runners-up Hunlingham PA in lawmman in trophy, mementos le sumfai Rs. 15,000 an dawng. Khuolliein O. Nabakishore Singh, Chief Secretary in lawmman semna a nei.

Kum 20 mi a thumhnaw hlipa sawisaktu mi 5 man

BENGALURU: January 14-15 zan haia nufa thuoimhanga sawisaktu mi 5 hai chu zanikhan man an nih. Mana um hai lai chun nuhmei 3 an thang veh a, hriet suok an ni le inruolin police haiin an man ngahai, an chanchin kimchang chu police haiin an suok a nih. Chuong mi 5 hai chun nunghak kum 20 mi le a nu an thuoimhanga a, nung-haknu chu a thumhnaw hai hlip fai pek vawngin an sawisak a, nuhmei pasalna thila khawm mawilo taka sawisak a nih. Thuoimhang le sawisaka um hai chu Assam mi niin, mana um hai chu MS Palya le Lakshmedevi Nagar a khawsa Tasina Rehman (32) Yasmin Jabiulla Taj (27) Indramma Raju (28) Imran Pasha (28) le Jabiulla Wasim (33) hai an nih. Nufa hai chu an chengna In-a inthawak Auto-rickshaw hmanga thuoimhang le, Old Madras Road a Tin Factory, hmuna rena lai taka sawisak an nih.

Nufa hai ruolpa Shaukath in an in kawla kum 15 mi an ruika inthawka buoina chu intan nia hril a nih. Nunghaknu a nu chu hospital a housekeeping staff niin, Shaukath le chun inhmehhriet le inpawl hlak an ni a, an In-a hung leng rawp hnungin, an In kawla um nuhmei kum 15 mi leh an inggaizawng a, January 13 zan khan innein an tlanhmang a nih. Kum tinglo inrukhnanga um a nu le pahaiin nufa hai chu an intum a, zawng suok dingin mawphurna an pek a nih. Shaukath a ruolhaiin an umna hrie nia inhrilin, Tin Factory tieng chun an thuoai a. A hmun an tlung chun an ruolpa sukbuoitua intum in sawisak ta hrep nia hril a nih. Nung-haknu chu a thumhnaw hlip pek vawngin, a ser-ah hmarcha phit khawm phul pek ani a, hnuoia inbawktir in a ruongzangah hmauwa vuok ani bawk a nih. Shaukath le a nuhmei inruk hai khawm man an ni tah a, nufa sawisaktu hai laia Tasina, Imran le Jabiulla hai chu unau niin, Yasmin chu Jabiulla a nuhmei a nih.

Pakistan bomb puokah mi 21 thi

PESHAWAR: Afghanistan le Pakistan border laia Eidgah Bazaar-ah zanikhan bomb hrat takel a puok a, mi 21 haiin an hringana chanin midang 50 haiin hliemna an tuok pha. Bomb chu mipui pungkhawm an tam lai taka puok niin, bomb chu Tomato hmanga kam nia hril ani a, hliem hai lai chun inrik tak tak an um lein mithi chu an la pung pei ring a nih. Bomb puok le inruolin security hai a hmuna an tlung ngah a, sansuokna sin thaw in bomb sukpuoktu zawng suokna sin an thaw tan ngah. Bomb puokna hmun hi tribal mihai chengna hmuna le ralumuong rak lo nia hril niin, a sevela chun Afghan province 3 um in, helpawl hai lawilenna tak ani bawk. Bomb sukpuoktu an lan puong naw a, hieng lai hmuna hin Taliban hai an lo che rawp ta hlak lein, anni thaw ni dinga ring ani a, Kurram official ruok chun suicide bomber thaw ni dinga a ring thu a hril thung.

Yahya Jammeh in an President a inthawk an ban ding thu a hril tah

BANJUL: Gambia ram President Yahya Jammeh chun Gambia President-a inthawk an ban ding thu zani hmasa khan state TV fethlengin a puong tah. December 1, 2016 a Gambia Presidential Election huna khan an khingpui Adama Barrow chun hrena a chang a, election result hi a bul chun Mr Jammeh hin a pawm a, sienkhawm a hnungin thil indiklo a um tiin election a thara nei hma chu inban naw ning tia, President a ninna inthawk inban nuom lova um a ni a. Regional leaders hai chun Jammeh hi January 19, 2017 chenhah President a nina inban a, President dinga thlangting thar Adama Barrow kuomah thuneina inhlan dingin an ti a. Sienkhawm a hun tawp chena khawm inban chuong lovin President charge an hlan ni dinga ti hma January 18, 2017 khan Gambia Parliament chun President Jammeh term hi ni 90 an keisei bakah ni 90 sung emergency an puong bawk a nih. Inban nuom loa hienga thil a hung thaw pei lei hin West African



leaders hai chun January thutawp (final opportunity) an pek a, January 20, 2017 chawhnung tieng chena a office suoksan dingin thu an pek a, a suoksan naw a, inban tumna a neinaw chun UN thang-pui regional forces hai an tirlut ding niin an vau a nih. Hienganga thutawp pek a ni hnung le West African mediators

Naupang kum 9 mi that; a thisen dawnin a sa fak



LUDHIANA: Ludhiana a naupang pakhat kum 16 mi chu kum 9 mi Deepu Kumar a that leiin zanikhan man a nih. Deepu Kumar a that zo chun, a ruong chu hmun ruk a chandarin a fak a, a thisen khawm a dawn thu police hai hmaah an puong. Deepu chu liemtah Thawtanni a inthawka kha inhmag thul niin, khawpui sung Dugri area lai a ruong chan nawi hai chu hmu a nih. Deepu le a thattupa chu labour nau ve ve niin, lane hmunkhata um an nih a. Police hai hril dan chun, tuolthattu chu Class VIII inchuklai ani a, mi a thata a taksa faa a thisen a dawn zova In an lawi chun, pangngai takin a um niin an hril a, a nu le pahai fak ding thlai khawm a la suong thu an hril bawk. Deepu ruong an hmu hnunga police haiin investigation an nei huna a thattu chu mansuok ani a, zantieng dar 1:40 PM velin Deepu chu lekachei hrui pek dinga thlem in-ah a thuoai a, an nu le pahai sinthawa fe vawng anni lein midang tukhawm an um naw a. Deepu chu a ringah a rakhlum a, a thumhnaw hai hlip pekin hmun rukin a chan dar vawng a. A thisen dawn a taksa a fak zovin, a ruong a chan nawiha chu plastic bag lien sungah thunin dehawn dingin Cycle in a phur a nih. A ruong chu a school campus-ah a denglut a, an zirtirtuhai a hnam leia an school hmung sietna dinga a denglut niin a hril.

CCTV footage a inthawka hriet suok a nih. Thil tlung chu cannibalism case ani a, naupang thattu chun mihriem taksa a fak a, chu chaw chu nilovin Arsa sel a fak rawp le fak zing a nuom thu hrilin, inbiekna an nei zing lai khawmin a kut zuk fak a nuom zing nia a hril thu Bupinder Singh, Deputy Commissioner of Police chun a hril. Mi thattu naupang chu medical le psychological test nei ani a, enkawlina nei zing a nih. Mi thattu in Police hai a hrin danin, Thawtanni

Mulayam Singh thlawptu in BSP zawm; SP unit 12 dissolved

LUCKNOW: Uttar Pradesh a Samajwadi party pawl pahni um leia buoina chu a la re el nawh a, zanikhan SP President hlui Mulayam Singh Yadav a tienga thang le ama le inhni takin um hlak Ambika Chaudhary in BSP a zawm. SP sunga buoina um chu a ngerhaw tu le, Chief Minister in SP patriarch Mulayam Singh a sawisak dan a lung a awinaw leia BSP zawm niin an hril. Chaudhary chu BSP Chief Mayawati hmaa party zawm niin, Phephna seat a dingin BSP ticket pek dinga tiem ani a, 2012 assembly election khan chu constituency a chun a tling zo naw a nih. A hnunga Chaudhary chu Legislative council member dinga ruot nawk a nih. Chaudhary chun BSP a zawm le inruolin Samajwadi party a nina a nei hai an ban vawng ngahai, kum 25 ani a inthawk lut tanin, Chaudhary chu kum 40 sung zet Mulayam Singh Yadav a sawrkarna hnuoia politics lo lutchil ta a nih. Chuong lai zing chun, Uttar Pradesh a Samajwadi party state President Naresh Uttam chun district unit 12 dissolved ani thu a puong a, SP President le UP Chief Minister Akhilesh Yadav in remtina a pek hnunga thusuok chu siem a nih. Uttam in thusuok a siem dungzuin, units hai chu hnaw niin, president hai chu ban an ni a, an ai-awtu ding President

thar ding nominate niin a hril bawk. Hieng unit hai dissolved a nina hin UP politics inlumet mek chu burok a suklam pha hle a, Akhilesh Yadav hmalakna chu mi tam tak ngaiwan a hlapha a nih. Units hnaw! haia President hai chu SP a dinga mi un tak tak ni tah in, Mulayam tienga thang an ni tawl a, thenkhat chu nikuma Shivpal Yadav in state president a chel laia a ruot an um bawk. Yakhilesh Yadev in Samajwadi party chaw thuneina lientak chunga a, rorelna khawl a thu anga chalai a nuom lein, district dang dang thuoitu hai khawm ban an la ni pei ding niin ei thulakna chun a hril.

EC in Kejriwal a thuhiril a pawm naw thu a hril



NEW DELHI: Delhi Chief Minister le Aam Aadmi Party chief Arvind Kejriwal in Assembly election neina ding le inzawma thamma lak chungthua tawngbau a nei chu, Election Commission in a pawm naw thu a hril a, Kejriwal chu hrilfena siem dinga ti a nih. Kejriwal cun BJP le Congress hai pawisa lak a, AAP vote pei dingin mipui hai a hril a nih. Thla bul deu laia Goa a election rally nei ani tumin, Kejriwal chun "Congress le BJP in pawisa an pek cheu chun, hnawl naw ro. Mani pawisa ang charin pawm ro. Amiruokchu, vote thlak hun ani pha chun, AAP candidate kha zuk hmetin vote lem ro" tiin a hril a nih. Hi chungthua EC in notice a pek chu an diknaw niin Kejriwal chun a hril a, court-ah khinglet dingin a hril a nih. "EC in a min tumna hi andik naw letder a nih. Court inhnuoi lemin ka thiem thu a puong tah a, EC hin a hriet naw lui a nih. Court-ah EC hi chona ka siem ding a nih" tiin Kejriwal chun a hril. Election Commission chun kar bul tieng deua kha notice a pek tah niin, a thuhiril chu a hril ang taka dawng sawng ani thu a hril a, January 4 a Goa hmuna rally nei huna a thuhiril chun Model Code of Conduct a bawsiet thu a hril a. Delhi Chief Minister a thuhiril chu hlepukna le thamma sum la dinga mi inchuktira nia intum in, January 19 hmaa hrilfena tha taw a siem naw chun, Kejriwal a chungah a phutaw hremna siem pek ni dingin a hril a nih. Kejriwal a tawngbau hin Congress hai na a khel hle a, Election Commission in suizui dingin complaint an thlut a nih. "Kejriwal in mipui hai political parties haia inthawka pawisa la dinga in-fuina a siemna le, AAP vote dinga a fiemna hi mipui hai lungriila hlepukna lungril tupteuku ani a, lungril ngil tak tak neitu Goa-a voters hai vauna a nih" tiin Congress spokesperson Trajano D'Mello chu a hril. February 4 a Goa a Assembly election neina dinga hin, AAP chun Inspector General of Prisons hlui Elvis Gomes chu Chief Ministerial candidate dinga thlang a nih.

MANMASI WELFARE SOCIETY SHARE HOLDER-HAI KUOMA INHRIETTIRNA

Kum 2016 Krismas Gift, Demonitisation leia a huna ei inpik thei naw kha, January 23, 2017-a inthawk tuk tin zing dar 7-10 inkar Treasurer, Pu H Zaneisang, Rengkai kuoma inthawk lak thei ning a tih. Amiruokchu, hasratna/pawimawna chi hran hran leiin tiem hun sunga hin inah umnaw pal thei a ni leiin, Phone No 9862065735-ah confirm hmasak ni thei sien. Sd/- Dr Rosiem Pudaite. Chairman.

PAWISA SUKHMANG HMU

January 20, 2017 zan khan WINTER CARNIVAL hmangna Children's Home: Saikot-ah pawisa hmu a nia, a neitu chun January 23, 2017 bo hma ngeiin a pawisa za le umdan hrilin a hnuoia phone number-a hin ngaiven thei ning a tih. Tiemchin pel hnunga ruok chun a ngaiven an um khawmin uskak nita naw nih. Chun pawisa neitu in News a thu insuo man a pek ngai bawk a tih. Phone no.9612519400, Children's Home:Saikot

LAWMTHU HRILNA

Tarik 26/12/2016 (Thawtanni) zan dar 11 PM huna mi borai san kan naupa kan ngai em em Tv. Jehova Hmin-gropui Traite (30), s/o Mr Ngurhmingthang Traite, Khuo Hmarveng CCPur. Kan naupa thina (siettuok)na thua District Hospital CCPur le in tienga zandei khawm pawisa lova mi ngaivena mi buoiptuhai le khawwar zaka hlasak leng-khawma mi mengpui tuhai, Hmarveng HYA, Valupa le khawdang dang inthawka hung hai po po chungah khawm lawmthu kan hrung hril. Tuomna puon, tha le zung le sum le pai a mi raltuhai po po kha kan theinghil ngaiwan ding cheu. Chun, Kohran thuoitu le Pathien thu taka mi hrun raltuhai po po kha kan theinghil naw bawk cheu. Hmarveng HYA, Val Upa kan kuong mawi tak le a thlan mawi tak a mi siem peka an mi cho pekna thuah kan lawm takzet bawk a nih. Kan chungah in thatna le hmangina hai po po keinin kan rul seng naw ding cheu a nih. Lalpan a let tam takin rul ngei raw sen cheu ti hi kan sungkuo tawngtaina a nih. In hmangina dawngtuha, Sd/- Ngurhmingthang Traite & Family, Hmarveng.

Office of the TIPAIMUKH AREA ROAD TRANSPORT DEVELOPMENT ASSOCIATION (TRATDA) INFORMATION Date 20th January, 2017 nitak lam 2:00pm gei hin TRATDA Executive Body Meeting neih ahi a, Meeting thupukna te Member/Mahajon te thei ding le zui dingin anuai a bang in kon taklang u a hi. Resolution No. 1: Hungtung ding date 23-01-2017 a pat in 2017 Sticker Issue pat ahi ding a, January 23-February 04, 2017 kiral sung ngei ngei a Member te leh Mahajon ten Finance/Secretary Kiang ah 2017 Sticker anala chiat ding a ngen leh theisak na hi uh. Resolution No. 2: Passenger Bahara/Fare pen UNC Economic Blockade a bol uh khani (two months) ching-ta ahi man in thau (Diesel) man tam sung teng zat ding in Station chih ah Passenger Bahara Fare Rs. 30/- (Rupees thirty) only a suk kal a hi a, van puak man per bag ah Rs. 10 (Rupees ten) only a suk kal a hi. Hiai toh kisa in hongtung ding date 23rd January, 2017 a pat in zat pat ngal ahi ding a, Diesel (thau) Pump ah ngeina banga hong kihop hun hun in hiai Passenger Bahara Fare leh van puak man suk pun pen cancelled a hi ding hi. Society sik leh tang in, Sd/- Haukhansiam Gen. Secretary, TRATDA

Office of the CIVIL PENSIONERS' WELFARE ASSOCIATION, CHURACHANDPUR A paise 14th January, 2017 a Synod Hall-a Annual General Body Meeting neih na a 2017-2019 term poding Office Bearers telching te banah Executive Member ding anuai a te muang mahmah a guan ahi uh. 1. OFFICE BEARERS President : H.L. Hminga, Muolvaipei, CCPur Vice President : T. Singneng, Mission Road, CCPur Secretary : L. Ginkhojan, Lailam Veng, CCPur Asst. Secretary : K. Songkhotuan, Beaulahlane Finance Secretary: S. Vungsing, Beaulahlane Treasurer : S. Thangkochin, Chapellane, H/Lamka 2. EXECUTIVE COMMITTEE MEMBERS: 1. K. Lianvel, IB Road, CCPur 2. Mrs Lalthansiam, Hmuia Veng, CCPur 3. Mrs Lalruoti, Hmuia Veng, CCPur 4. N. Tuolien, Rengkai, CCPur 5. Thangsawihmang, Rengkai, CCPur 6. T. Tuanzalian, Elim Veng, New Lamka 7. H. Kaizadou, Sim Veng, Churachandpur. Thusuattu: Sd/- K. Songkhotuan Asst. Secretary, CBWA.

Nightclub-a kangmei suok lein mi 38 an hliem BUCHAREST: Zani hmasa zan khan Romania khawpui Bucharest-a up-market Bamboo nightclub-ah kangmei a suok lein mi 38 in hliemna an tuok a, hliem hai hi Hospital-a admit le enkawl an nih. Hliemna tuok hai laia a tamlem hi meiin a kang-hliem ni lovin kangmei suok leia meikhu inhak leia buoisie an nitawl. October, 2015 khan Bucharest hmuna bawk hin nightclub-a kangmei suok lein mi 64 velin thina an lo tuok ta a nih.

Hillary Clinton-in American Design Hak

Washington: Khawve-la rambung hrattak le thilthawtheitak America rorela kháwl cheltu nuhmei a hmasatak ni tuma theitawpa Donald Trump a beia a hne naw hnungin polite takin hneban a ni thu a pawm a, America mi indiktak a nina suklagna dingin a khingpuipa láwmlutna hunah American mi ngei thui zakuo hákin American takin President lawmlutna hunser ah a thang a, mipui láwm a hláw hle.

Hillary zakuo hak le kekawr bun, class nei tak "pansuit" var (coat le kekawr) le pheikhawk inhmeipi tawk hi American designer Ralph Lauren design a nih. Ralph Lauren hi Presidential election lai



khawm Clinton a campaign, debate le meeting haia hak ding zakuo (thuom) iengkim design-tu a nih a. Trump khawmin a nuhmei incheina

design-tu dingin a hung hmgang ve náwk a nih.

President Trump lawmlutna hunser thang dinga a tlung hnungin Twitter ah "Wawisun hin ei democracy le a ropuina inzana pe dingin ka hung a nih. Ei ram ropuina le hmakhuo eng tak, beisei um zetah hin ka beiseina bo ngai naw nih, @Inauguration" tiin a twit. Election ah lo hrát naw sienkhawm, American mi indiktak a nina angin America democracy inzama inzain inzakaitakin a khingpui hratina lawmna a thang a nih.

Hillary hi a pasal Bill Clinton leh an nih a, an naunu Chelsea Clinton ruok chu a thang ve nawh.

Oliver-in Brad Pitt Fiemthu'n Hmgang



LOS ANGELES: A nuhmei Angelina Jolie leh an inthe hnungin Brad Pitt chu mi pahni leh hril kawp a ni tah a. Tuta tum khawm Kate Hudson leh hril kawp an ni náwk tah. Magazine pakhat Star chun Kate le Pitt hlimtaka an inpawl lai cover-a hmgangin an inggaizáwng angin a ziek a. Kate chun fiemthu ang mei meia a ngaizie thu a hril ve thung.

Social media ah "Aw, kan inah a hung lenga hremhmun ang el a nih! A belpuia inthawkin a dawn a, a suok tawmin kawtkhar ah a lu a la tet náwk nglá. Chuongchun kan inah a hung leng" tiin fiemthu thawna'n a hmgang a. "Unaupa ti damin a mi kova ka unau tak tak Wyatt-in a mi biek nuom tanaw pha hiel a nih. Ka nau han 'pate B' tiin ko hai sien a nuom a" tiin Brad

le an inpawl dan a comment.

A nu le an chanchin hrilin, "Ka nu leh an inpawl hlaka, ka nu khawm a hlimvieu niin ka hriet. Amiruochu, sun ni thlaka hung hmgang chuh a buoithlak deu a nih, abikin zing dar 3AM a hung leng a buoithlak zool" tiin Brad Pitt nungchang le an ina a leng dan a hril bawka. A pa lem chun zing tieng dar 3AM vela a hung zie chu a nghawk thei taluo niin a hril báwk.

Paparazzi tamtak chun Brad Pitt le Kate Hudson an inggaizáwng nia an hriet leiin an hnauwzi zing hlak a. Thenkhat chun Kate le a nu Goldie Hawn hi tu lem am a leng ti hriet chieng tum in an bei bawka a. Brad le a naunu Kate an inggaizáwng le ngaizáwng naw an indawm ruok chun a nusan ringawta iengkhawm a hril nawh. Iengkhawm hril lova dawn lo hin thuruk a um tina a ni dim.

Melania Trump-in Fashion Thar



WASHINGTON: A pasal America President 45-na dinga laklut niin Melania Trump chun khawvél mipui, abikin fashion designer-hai mit latu tak nih dingin fashion hlui anga ngai hung thaw tharin 1960s laia inchei dan fashion chu tulai takin a hung pholng náwk tah. Ama véntu a pasal thungpuituhai pakhat chu military-style coat inhaktirin ama'n "baby blue cropped jacket" a ring inup a haka, John F. Kenney nuhmei Jacqueline Kennedy dawtah chu a la stylist tak a nih.

A coat hak \$3,600 (Rs.3 lakh vel) man hi American designer Ralph Lauren design a nih a. America kut suok ngei, America mi ngei sin pek ding ti a thupui le immila designer khawm hi a hmgang a nih. Hinglai zing hi Melania zakuo hak ding design nuom nawtu Tom Ford, Marc Jacobs le mi dang thenkathai chu an dawv/sumdáwngna kharpek an nih. A pasal Donald Trump an dit naw leiin a nuhmei incheitir khawm an nuom

naw a nih.


Melania le a véntu sipai Conway hienga an hung incheina san pakhat chu, America ropui lai tak (American Revolution) mizie, America ropuina suklagn (náwk) a nuom lei a nih a. Social media chu a so inlet nglá el a nih. NBC TV chun "Trump revolutionary wear" a ti h a. America suokropui náwk a tumna suklagna a nih.

Inauguration nia an zakuo hakhai hi a hnungah Smithsonian Museum ah thawnin an sie tha vawng ding a nih, American history pakhat an hung ni ve pei theina dingin. Melania Trump hi John F. Kennedy nuhmei Jackie dawtah chu Fashion insangtak President nuhmei a la nih. Inauguration official program zova bufat tlangna le lawmna "inaugural ball" a zakuo hak "white gown" a dar inhawng, a malpui chen inhawng haka a pasal leh an lam chun mipui mit a la suklai pei a, thil dang po po néka hril hláw tak le thalak hlawatka a nih.

David Beckham-in BBC Radio 4

LONDON: Football star le Queen Elizabeth-in Knight-hood a pek tah David Beckham chun BBC Radio 4 hnuoia Desert Island Discs kum 75 a tling lawmna le inzawmin host a tih. BBC Radio 4 hi January 29, 1942 a tan a nia inthawkin mi 3,000 neka tamin an host tah a, anni lai chun milár 4 an um tah a, David Beckham hi pangana ding a nih.

BBC Radio 4 hi ngaithlatu mi vaibelsie 2.8 neka tam an um a nih. Host hai hin an mimal hla dit le thu an hril nuomhai an hril hlak a. An host hin thil dang dang hamthadna ding an dawng bákhak Shakespeare lekhabu po po le Bible an dawng sa ngei ngei báwk hlak. Hla pariet an thlang thei a, thli le ruopui kárah



thlierkara intang ding ni hai sien ieng hla am an thlang ding in tu suklagn bawng ding a nih.

Presenter Kirsty Young chun David Beckham Host a hung ni ve ding hi láwm a um hle thu a hril a, Anniversary le inzawmin a hla dittak a hung thlang ding hi thilpek hlu tak a ni ding zie a hril a. David chun hieng ang program pawimaw host dinga an fielna chu láwmum a ti hle thu le a ta dinga ditsakna insangtak a nizie a hril a. Football chun ni lovin music (hla) ngainatu a ni thu a hril báwk.

Desert Island Discs anniversary 75-na hi January 28 khin host a ta, milár tamtak thang bawm a tih. Anni lai hin Cilla Black-in The Beatles hai le an indin tan tir laia hla an suk dun



lai hun thu hril a ta, Richard Dimbleby'n Hitler a thi laia a chéngna hmum va entu Journalist hai laia pakhat a nina angin Hitler a chemta lak chanchin hril a tih.

David Beckham chun a hringnuna thil pawimaw deuva a hriet, danglam deu hlek a nuom tak hril véng a ta, chubakah Presenter-in a nuom nuom an dawn ding a nih.

Britney Spears-in Sam Asghari

LOS ANGELES: "Toxic" singer le "Baby One More Time" saklartu, lam le hla-sakthiem American nunghá hla-sakthiem laia hmél thataka hril hlak Britney Spears chun hun sáwt tak a ip hnungin tulaia an hmpuii hlak Sam Asghari le an chanchin tláng hrietin a hung hril suok tah.



AMP program ah host Nathan Fast a hril dan chun, an pahni hin a music video "Slumber Party" an siem laia inhmú le indit tan niin a hril. "Music video kan siem lai hin minute 20 dam, minute 30 dam kan pahniin kan lo nglá hla a, kan 'stucked' a nih tak" tiin a hril a. Room pakhatan an pahni chawm hun sáwt tak an um dun zing zinga inthawkin an hung inhawng tan a, taksa le lungril an hung inhmú tan niin

a hril.

"A mi la hrietcheing bek bek nawh a. Tu'm a nih ti kháwm ka la hriet nawh a, kan inbiek ringawt hlak" tiin a hril. Sushi an du zie dam hrilin an hung inthawng pei a. Room pakhatan hun sáwt tak tak um kawp zing chun an hung inthawng pei a, thil fa ding damin an suok dun a, zan sáwt tak tak chun hun an hmgang dun peia inthawkin niin, a tir chun serious lo deuva inpawl mei mei an ni thu a hril báwk.

"A phone number ka sie zing a, ke theinghil tah a. Thla nga vel hnungah a phone number ka bag sungah ka hmu a, kan inbiek tan náwk tah a nih. "Hi pa hi a cool rieu a, cool tak a nih. Mi nuizatam tak khawm a nih" tiin a hril. Chuonga inbie pein an inhmú zui pei a. New Year Eve chen cosy takin an pahni chawm an hmgang lai social media chenah an hung suklagn ngam tah a nih. Ieng chen an an inzuu ding ti ruok chu huiin la hril a tih.

Steven Gerrard: Liverpool Academy Coach-ah



LONDON: Liverpool captain hlui Steven Gerrard chu a club hlui-ah kir nawkin academy coach-ah inzellut nawk a tih. Hi sin hi thla thr February khin academy manager Alex Inglethorpe hnuoiah Kirby khorple-ah sin tan a tih. Kum 36a upa Gerrard hin kierga a club hlui-ah kir nawk theia um hi a lawm thu hrilin, organization a thangpui theina lampui thatak a ring thu a hril. A hrii peinawa chun "hi thutlunka hi ka nuom thu el ani naw, Liverpool ta dinga thiltha ka thaw theina lampui lem a nih. Hi football club hi ka ta ding hin ieng am ania ti mipui lai ka hrilfie khawm a ngai bek bekin ka hriet nawh" tiin a hril. Gerrard hi Liverpoola hin kum 17 sung zet lo umin game wavi 710 a lo inkhel taa, an khel sung hin a club ta dingin goal wavi 186 alo thunta bawka a nih. A club hi tumhni FA Cup, tumthum League Cup le Champion League title chen alo lakpuita bawka a nih. Chu bakah England captain hai lo niin game wavi 114 lai zet a captainna hnuoia alo inkhelta bawka a nih. Ama hi Liverpool manager la hung ni ngei dinga ring a nih.

Sports:

ENGLISH PREMIER LEAGUE SUPER SUNDAY ENLAWKNA

Arsenal chun Burnley mikhuol an ta League Leader Chelsea chun Hull City mikhuol an tih; Hull City hin Relegation zone suoksan thei an tim?

English Premier League fe mek Season chenvé khel zo tah, Super Sunday-ah vawizan hin Defending Champion Leicester City chu Southampton-ah inzin an tih. Leicester hai hi Champion lai ni hai sien khawm tu chenhah Game 21 inkhel ta in point 21 char an la nei a. A 15-na an ni mek. Southampton hai khawm a 13-na an ni mek bawk. Southampton tieng Virgil van Dijk le Ryan Bertrand hai an inlang thei beisei a nih a, Club-a a hmabak chiengkuonglo Jose Fonte ruok chu thang thei naw nih. Leicester tieng khawm Leonardo Ulloa chu hliemna leiin inlang thei naw bawka a tih. Chun an player suongváw Riyad Mahrez, Islam Slimani le Daniel Amartey hai chu African Cup of Nations tieng an inkhel mek leiin inlang thei naw bawk an tih.

Southampton hai hi Premier League game nuhnung pahni haiah goal khat khawm an thun naw a, wawizan an thun naw chun a zawna game 3 goal an thun nawna ding a nih.

- Southampton hai an hratnaw chun an home ground ngeia wavi 100 an hratnawna ning a tih.
- Tuta season-a hin Leicester-in away game vawikhat khawm an la hrat nawh. Nikuma Champion an ni tum khaan away game wavi 11 tawp an hrat a nih.
- Leicester hin an game nuhnung pali haiah goal pakhat char an la thun a tih.

Table-a palina ni mek Arsenal chun Mid Table-a um Burnley mikhuol an tih. Arsenal tieng hi Theo Walcott ti naw chu hliem hril ding an um nawh a, kar hmasaka hliemna tenau tuok Oliver Giroud khawm a thang thei beisei a ni bawk. Burnley tieng khawm Dean Marney, Ashley Barnes le Joha Berg hai hliemna leia FA Cup nuhnung tak an thang thei naw hnungin vawizan hin inlang thei tang an tih. Winger Scott Arfield ruok chu a vawithum inzwamna dingin a la khel thei ring a um nawh.

Hi game ding le inzawm hin Arsenal Manager Arsen Wenger chun, "Inkhel ding a tlawm deu deu a, chulai zing player tawnhriet nei-hai an kim thei leiin a tu tu khawma kan thaw tha ding chun mi ring seng an

tiin," tiin a hril a. Arsenal le Burnley inkhel ding le inzawma hriet ding awm hai:

- Premier League chanchinah Burnley hin Arsenal an la hne thak nawh a, vawinga inkhel tain vawikhat an inang taww ti naw chu an hratnaw fai vawng a nih.
- Arsenal le Burnley Premier League-a an inkhel nuhnung pathumhaiah Burnley chun goal pakhat khawm an thun nawh.
- Arsenal an hrat lem chun an Home Ground-a vawinga a zawna an hratna ning a tih.
- Tuta season fe meka hin away game-ah point 27 hmu thei ding lai Burney chun point pakhat char away-ah an la hmu.
- Burnley hai hin tuta season-a hin away goal pathum char an la thun a nih.

Match dangah Leader Chelsea chun Division hnuoi tiengna tla thei ding ngirhmuuna um mek Hull City mikhuol ve thung an tih. Chelsea striker Diego Costa chu Leicester an hne zan ruongzáng nat leiin a thang thei naw a, vawizan ruok chu thang thei ngei dinga ring a nih. Chun Chelsea Captain John Terry chu a hremna tuok a zo ta leiin inlang thei dinga beisei a ni bawk. Hull City tieng an top scorer Robert Snodgrass chu hliemna leiin an lang thei ring a um naw a, David Meyler ruok

chu training a zawm nawk ta leiin a thang ngei beisei a ni ve thung.

Chelsea Head Coach Antonio Conte chun, "Hull City hi team ropui an nih a, an coach an thlang ta bawk leiin nuom ela zuom chi an ni nawh," tiin a hril a. Hull City Coach Marco Silva chun, "Chelsea khelmuola inkhel ding hi game khir tak ning a tih. Asanchu anni hi Premier League-team tha tak ni mek a ni leiin," tiin hawpura a um thu a hril ve bawk.

Chelsea le Hull City chungchanga hriet ding awmhai:

- Hull City hin Premier League-ah vawikhat khawm Chelsea an la hne nawh.
- Chelsea game nuhnung 15 laiah wavi 14 an hrat.
- Chelsea hai hin tuta season fe meka hin Clean Sheet (goal insuo thak lo) wavi 12 an nei ta a, Europe khawmuolpuia Top 5 League lai hieng ang hi an um nawh.
- Hull City hai hin away game nuhnung pariet hai an la hratnaw fai vawng a, a vawikuona ding an hratnaw nawk chun an ta ding chun harsa ta hleng a tih.
- Hull City hai hin tuta season sung hin penalty wavi 10 tawp an tuor tah. Ieng ieng khawm ni sien football inhnik mihai ta ding chun Pathienni zan nglákhla um tak chu ni ngei a tih.


Memphis chu Lyon in an hawk fel tah

Memphis Depay chu Lyon hai chun £14million in an lo lak fel tah. Memphis chun thla 18 sung Manchester United-ah hun a hmgang a, anachu beisei a phak naw leiin hmum dangah an sawn nawk ta lem a nih. Anachu Manchester United chu hi Holland Winger thaztie an hriet lei hin lak-kir nawkna ding thuthlun an nei a, zawr a ni nawk khawma a man 100-ah anni chang dingin iemani zat an la siem ta tho tho a nih. Hi lei hin Memphis hi an dit naw hlawl chu an nawh ti thei a nih.

Ligue 1 Club Lyon-a hin Jersey No. 9 hak a tih. Ama chun, "Lyon ta dinga signed ka thaw thei hi ka lawm hle a, Club dang dang a mi beiseitu an uma chu a Agent mi hril damin Lyon ta dingin beiseina insang tak a nei leiin hi taka ding hin thurawn a mi pek a, chu chu ka ringzo leiin Lyon ta ding hin thutlunka ka siem ta reng a nih," tiin a hril.

Depay hin Lyon club in player to tawk taka an inchwak Yoann Gourcuff chu a khum ta ding a nih. Yoann Gourcuff hi kum 2010 lai khaan Lyon hin Bordeaux club anthawk 22 million euros in a lo inchwak a nih. Kum 22a upa Memphis hin 2015 khaan PSV Eindhoven anthawk Manchester United a zawma, Louis van Gaal le inthumunna an nei tlawm deu leiin vawikhat char first 11 a chang hman a nih. Wavi 53 game inkhel hmanin, tuta thlaa Manchester United playerin club suoksan pahinna a hung nih. Ama hman hin France international midfielder Morgan Schneiderlin in Everton panin United hi alo suoksanta bawka a nih.

Liverpool chu an khelmuolah Swansea lakah an muolpho



bawkin goal an thun nawk a, 2-2 in an inang taww hri a nih.

Anachu minute 74 naa Swansea City Player Gylfi Sigurdsson goal nuhnung hmgangin Swansea City chun hratna hlu tak an chang ta a nih. Liverpool chun an khelmuolah ball an chang tam hle a anachu a pawimaw tak goal an

English Premier League fe mekah zani zan (Inrinni zan) khaan Early Kick Off-ah Liverpool chun Swansea City an lo mikhuol a. First Half chenhah a tu tieng tieng khawma goal an thun naw a. Second half tan a ni le iruol deuthawin Swansea City tieng chun Fernando Llorente bawkin goal a thun nawk a. Chu zo min 5 khawm a la liem hman Fernando Llorete bawkin goal a thun nawk a. Liverpool tieng khawm hung che tha in Minute 55 naah Roberto Firmino hmgangin goal an hung thun ve a. Chu zo minute 10 a pel er chauin Liverpool bawkin Roberto Firmino hmgang

FOOTBALL FIXTURE: Sunday 22 January 2017 Premier League:

17:30 Southampton Vs Leicester
19:45 Arsenal Vs Burnley
20:30 Chelsea Vs Hull City

Primera Division

01:45 Villarreal Vs Valencia
16:30 Osasuna Vs Sevilla
20:45 Athletic Club Vs Atletico Madrid
23:00 Real Sociedad Vs Celta de Vigo
23:00 Real Betis Vs Sporting Gijon

Series A

01:15 Milan Vs Napoli
17:00 Juventus Vs Lazio
19:30 Palermo Vs Internazionale
19:30 Pescara Vs Sassuolo
19:30 Genoa Vs Crotona
19:30 Bologna Vs Torino
19:30 Empoli Vs Udinese
22:30 Atalanta Vs Sampdoria

Bundesliga

20:00 Bayern Leverkusen
22:00 Mainz 05 Vs Koln
I-League

16:30 East Bengal Vs Bengaluru
19:00 Mumbai City Vs Aizawl FC

LA LIGA SUNDAY NIGHT PREVIEW

Barcelona, Atletico Madrid le Sevilla thang an tih

Vawizan Spanish Premier League inkhel sunzawm ning a ta, champion thei ding thal Barcelona, Atletico Madrid le Sevilla hai thang an tih. Match hmasaah pahinna ni mek Sevilla chun game 18-a point 9 chau humdawke le table mawngphaa um Osasuna lo mikhuol an tih, Sevilla an hrat chun pakhatna inhlangkai theina hun remchang tak a nih (Zani zan khaan pakhatna Real Madrid an khel a, an hrat le hrat naw ei hriet hman ta nawh).

Match dangah Athletic Bilbao le Atletico Madrid hai inhmasoon ve thung an tih. Tuhin Atletico Madrid hai hi palina an ni mek a, an lo hrat lem a ni khawma an dinhmum pangngaia bawka la um an tih asanchu Barcelona hai nekin point 4 tawpin an inhnuoi lem lei a nih. Athletic Bilbao ruok chu a pasarina an ni mek a, an hrat lem khawma an dinhmum



Chun hnungah Real Betis chun Relegation Zone-a lan tang mek Sporting Gijon hai lo mikhuol ve thung an tih. Sporting Gijon hin an lo thaw tha hle a an hrat lem pal a ni khawma relegation zone suoksan phak chuong naw ni hai a, Real Betis ruok chu an hrat lem vai chun 15-naa inthawkin Top 10 inhlangkai thei ngirhmuuna ngir an ni ve thung.

Copa Del Rey Quarter Final-a Real Madrid hne zo chau Celta Vigo

chun Real Sociedad hai khelmuolah inzin veng an tih. Hi zan véka khel ve ding Athletic Madrid an hrat naw a, Real Sociedad hai hi an hrat a ni chun palina inhlangkai an tih.

Match tawp takah Eibar chun Barcelona lo mikhuol an tih. Eibar hi tuhin table-ah a parietna an ni mek a, Barcelona ruok chu pakhatna inhlangkai thei ngirhmunah pathumna an ni mek (Real Madrid le Sevilla hai result dungzuuin). Tulaia Barcelona ta dinga a hmabak hril chieng thei hri lo Lionel Messi chu inkhel ngei a ta; chanchin-bu hnan hratin hril dan ding dang a chanchin an thelár lai zing ring dan chun Barcelonaa hin kum iemanizat chu a la um ding anga ngai a nih.

Eibar hin Barcelona le an inhmatawn nuhnung tak vawili haiah goal pakhat char an la thun a a rengin an hratnaw lem vawng a nih.

Champion lai mek Ivory Coast chun Quarter Final lut theina an la nei hram hram



African Cup of Nations fe mekah Champion lai mek Ivory Coast chun game pahinna dingin D.R. Congo an inkhelpuia a. Game tan a ni hlima inthawk minute 10 a fe chauin Congo tieng chun Neeskens Kebano hmgangin goal an thun a. Chu zo minute 26 naah Ivory Coast chun Wilfried Bony hmgangin an sipura an sít a. Chu zo char minute 28 naah Junior Kabananga chun Congo ta dingin goal dang a thun sa a. Champion lai mek Ivory Coast chun hrat naw lem ding angin an inlang tah.

Second half an tan khawm chun goal thun thei el bik an um nawh a, anachu minute 67 naah Serey Die chun Ivory Coast a dingin

goal pawimaw em em le an in-angtawka goal a thung thun leiin Group stage paltlang theina hun an nei tah tina a nih. Hi result dungzui hin Group C hmabak ding hi hril an tak ta hle a nih.

Group C tho match dangah Morocco le Togo an inkhel a, Morocco chun awlsam takin 3-1 in an hne leiin point pathum

an la nei a, an rengin knock out luttheina 'chance' an la nei seng a nih. January 24 khin Group C Group game tawpna inkhel an ta, DR Congo le Tago inhmatawnin Morocco le Ivory Coast inhmatawn ve thung an tih. Ivory Coast an hrat a ni chun kai an ta, Tago khawm an hrat vai chun a hnuoi taka um khawm ni hai sien kai thei ngirhmuuna um tho an tih. Chuong ang chun Morocco khawm an hrat chun a kai sa an nih. Match vawihni an inkhel zova Group C ngirhmun: 51. No. Team Pld. Pts.

1	DR Congo	2	4
2	Morocco	2	3
3	Ivory Coast	2	2
4	Togo	2	1

Match khat seng khel ding